


Euro Business


Poslovni magazin EEN mreže u Bosni i Hercegovini
Broj 6



- Priprema domaćih firmi za postavljanje CE znaka
- Posjeta Sajmu šljive u Gradačcu
- B2B poslovno povezivanje na 7. sajmu ZEPS Intermetal 2010
- Vijesti iz Regionalne razvojne agencija za sjeverozapadnu BiH
- 10 godina Univerziteta u Zenici



DESET GODINA **2000-2010** UNIVERZITETA U ZENICI



Univerzitet u Zenici u 2010-oj godini proslavlja svoj jubilej - deset godina postojanja. U desetogodišnjem periodu Univerzitet u Zenici je ostvario znatne pomake u uvezivanju fakulteta i naučnoistraživačkih institucija i na taj način postigao kvalitetniji sistem obrazovanja. Uvezujući fakultete i institute stvorene su predispozicije za spoj naučne, obrazovne i



poduzetničke funkcije ovih institucija. Univerzitet u Zenici je uz nesebičan angažman njegovih zaposlenih pokrenuo i uveo organizovanje nastavnog procesa u skladu sa Bolonjskim principima, te u tu svrhu spremno dočekuje akreditacioni organ iz Brisela.

U organizaciji Mašinskog fakulteta Univerziteta u Zenici, Departmana za mašinstvo Fakulteta za inženjerstvo Politehničkog Univerziteta iz Barcelone (UPC Barcelona)

i Mašinskog fakulteta Bahčeşehir Univerziteta iz Istanbula održana je IX Međunarodna naučno-stručna konferencija TMT 2010. U okviru višednevnog rada u planumu, sekcijama i poster prezentacijama, na brodu Sinfonija kompanije MSC, koji je imao svoju redovnu Sredozemnu rutu, učesnici konferencije, njih oko 200 iz 27 zemalja svijeta imala su priliku da čuju najnovije rezultate istraživačkih aktivnosti naučnika i predstavnika akademске zajednice, razmjene ideje i iskustva, te razgovaraju o novim projektima i modalitetima međunarodne saradnje.

POSLOVNI SUSRETI U PEČUJU – MAĐARSKA



U organizaciji Enterprise Europe Network Hungary u septembru 2010. godine održani su poslovni susreti poduzetnika jugoistočne Evrope. U susretima su uzeli učešće predstavnici

desetak zemalja među kojima i predstavnici Metalurškog instituta „Kemal Kapetaović“ Zenica, Univerziteta u Zenici. Tokom susreta razmijenjena su iskustva i stvoreni preduslovi za dalju saradnju.

PROJEKAT BIH TEMPUS URED

Univerzitet u Zenici bio je domaćin delegaciji BIH Tempus Ureda. Ovaj projekt čiji je nosilac Univerzitet u Zenici a partneri sa ZB univerziteta iz Novog Sada, Skopja i Podgorice te iz EU univerziteta iz Graca, Đirone i Genta, okončao je svoju prvu godinu. Od najznačajnijih elemenata ovog projekta koji su do sada realizovani, članovi projektnog konzorcija UNZE su naveli da je štampana brošura Kompetencije, izvršene izmjene u određenim NPP u skladu sa definisanim kompetencijama, obavljena detaljna istraživanja

tržišta rada i radne snage u ZDK, izvršene statutarne izmjene koje će dovesti do izgradnje Kancelarije za kompetencije i razvoj karijera, Formiran Forum stakeholdera i

dr. Do nove godine očekuje se nabavka opreme za ovu kancelariju te nastavak rada na projektu u septembru praktikumom u Novom Sadu.

DOGAĐAJ POSLOVNOG POVEZIVANJA B2B U OKVIRU ZEPS INTERMETAL 2010



Euro info korespondentni centar Vanjskotrgovinske komore BiH je u saradnji sa Evropskom preduzetničkom mrežom Švedske i FIRMA projektom, 06.10.2010. godine u okviru svojih aktivnosti organizovao događaj poslovnog povezivanja B2B.

Događaj je održan u promotivnoj sali u okviru 7. sajma ZEPS Intermetal, održanog u Zenici od 5-10 oktobra ove godine.

Poslovno povezivanje je imalo za cilj uspostavljanje veza između metaloprerađivača iz BiH i potencijalnih partnera iz regiona i EU, što je predstavljalo izuzetnu priliku za pronalažanje odgovarajućih i pouzdanih poslovnih partnera koji proizvode visokokvalitetne komponente i proizvode po konkurentnim cijenama.

Posebna pažnja bila je posvećena sektorima iz oblasti elemenata metalnih konstrukcija i alata, aluminijumskih profila i stolarije, te automobilske industrije.

U poslovnim razgovorima učestvovali su predstavnici preduzeća INOX-AL iz Viteza, Kovan M.I. iz Gračanice, Kungsors Plast AB iz Švedske, Medena Commerce iz Tešnja, Metalna industrija Prijedor, NT Forging Novi Travnik, Obrtnička radnja Otis iz Žepča, Pobjeda Tešanj, RMG Velika Kladuša, SU-MA Plast Bijeljina, Atlas Copco Rock Drills AB iz Švedske, CIMOS TMD Al Gradačac, Hellgrens Lastvagnsservice AB- Švedska, Metalurški institut Kemal Kapetanović iz Zenice, Indexator- Vindeln Šved-

ska, TAG d.d. Goražde, Ze-Steel d.o.o. Zenica, Water Jet Sweden AB, Švedska, SIK d.o.o. Mostar i Dalekovod TKS.

Poslovni događaj je organizovan u okviru aktivnosti Evropske preduzetničke mreže - EEN koju u Bosni i Hercegovini kao koordinator konzorcija Evropske preduzetničke mreže predstavlja Euro info korespondentin centar Vanjskotrgovinske komore BiH.

Evropska preduzetnička mreža EEN posjeduje alate koji su omogućili biranje partnerskih organizacija za događaj, on-line registraciju preduzeća i dostavljanje tehnoloških profila, elektronsku izradu kataloga, on-line rezervaciju sastanaka i potvrđivanje sastanaka između preduzeća.

Sedmicu dana prije događaja, svakom učesniku je poslan raspored 30 minutnih individualnih poslovnih sastanaka koji su organizovani prema zahtjevima firmi koje su zatražile sastanak.

Prema obavljenim razgovorima sa predstavnicima preduzeća koja su učestvovala na sastancima, organizacija ovog načina poslovnog povezivanja pruža mogućnost direktnog kontakta sa poslovnih partnerima kao i pronalaska novih tržišta, dok je u okviru ovog susreta održano preko 50 sastanaka.

Bitno je naglasiti da su preduzeća iz Švedske bila isključivo u potrazi za dobavljačima iz Bosne i Hercegovine, što predstavlja odličnu priliku za bosanskohercegovačke kompanije da izvezu svoje proizvode u Švedsku i druga tržišta.

Poučen pozitivnim iskustvom u organizaciji događaja poslovnog povezivanja kao i interesu preduzeća za učešće, Euro info korespondentni centar planira da organizuje ovakvu vrstu susreta u okviru narednih međunarodnih sajmova u Bosni i Hercegovini i inostranstvu.